

Datganiad Preifatrwydd Rhiant/Gwarcheidwad/Athro/Ymgynghorydd

Yn y datganiad hwn, mae "Y Brifysgol", "ni" ac "ein" yn cyfeirio at Adran Marchnata, Recriwtio a Rhyngwladol Prifysgol Abertawe (h.y. y Swyddfa Dderbyn, y Swyddfa Recriwtio Myfyrwyr, y Swyddfa Datblygu Rhyngwladol etc.) a'r Colegau cysylltiedig. Mae'r geiriau "chi" "eich" a/neu "gwrthrych data" yn cyfeirio at rieni/gwarcheidwaid/athrawon/ymgynghorwyr yn cyfeirio at y rhai sydd wedi mynegi diddordeb mewn bod yn fyfyrwr yn y Brifysgol yn y dyfodol (adeg cyflwyno ymholiad ac adeg cyflwyno cais).

Mae'r datganiad hwn yn esbonio sut bydd yr is-adrannau Recriwtio a Derbyn yn Adran Marchnata, Recriwtio a Rhyngwladol Prifysgol Abertawe'n ymdrin â'ch data personol ac yn ei ddefnyddio yn ystod y broses recriwtio ac ymgeisio.

Bydd casglu data personol gennych chi yn caniatáu i ni gadw mewn cysylltiad â chi er mwyn rhoi gwybodaeth i chi am ein gweithgareddau a'n datblygiadau.

Bydd y Datganiad canlynol yn dangos sut y bydd y Brifysgol yn defnyddio eich data personol chi'n benodol.

Rydym yn ymrwymedig i ddiogelu'ch gwybodaeth ac i fod yn agored am yr wybodaeth rydym yn ei chadw. Fodd bynnag, os hoffech ddarllen mwy am ymrwymiad y Brifysgol i ddiogelu'ch gwybodaeth personol ac i fod yn agored yn gyffredinol, ewch i [dudalennau gwe Diogelu Data'r Brifysgol](#).

Pwy yw'r Rheolydd Data a'i fanylion cyswllt

Prifysgol Abertawe yw'r Rheolydd Data ac mae'n ymrwymedig i ddiogelu hawliau myfyrwyr, yn unol â'r Rheoliad Cyffredinol ar Ddiogelu Data (GDPR y DU) a Deddf Diogelu Data 2018.

Manylion cyswllt y Swyddog Diogelu Data

Mae gan Brifysgol Abertawe Swyddog Diogelu Data a gellir cysylltu â'r unigolyn hwnnw yn dataprotection@abertawe.ac.uk

Pa wybodaeth rydym yn ei chasglu amdanoch chi?

Byddwn yn casglu gwybodaeth amdanoch chi wrth i ni ryngweithio â chi fel rhieni/gwarcheidwaid/athrawon/ymgynghorwyr myfyrwyr y dyfodol, er enghraifft pan fyddwch chi'n gwneud ymholiad, yn gofyn am brosbectws, yn anfon e-bost, yn gwneud cais am lety a/neu'n gwneud cais i ddod i ddigwyddiad gyda ni (fel Diwrnod Agored).

Casglu gwybodaeth a gyflwynir drwy ffurflenni neu drydydd parti

- Manylion cyswllt
- Enw
- Teitl

Sut bydd eich gwybodaeth yn cael ei defnyddio?

Yn ystod y broses recriwtio a chyflwyno cais, byddwn yn defnyddio'ch data personol at ddiben cadw mewn cysylltiad â chi er mwyn rhoi'r diweddaraf i chi am ein gweithgareddau a'n datblygiadau.

Diben	Sail a Chyfiawnhad Cyfreithiol
<p>Defnyddir ymholiadau (neu fynegiannau o ddiddordeb) a dderbynnir gan y Brifysgol i greu cofnod yn ein cronfa ddata. Mae hyn yn caniatáu i ni eich tywys drwy gamau nesaf y broses ymgeisio.</p>	<p>Cyfiawnhad Drwy gysylltu â ni, rydych chi wedi mynegi eich bod hi'n rhiant/gwarcheidwad/athro/ymgyngorydd 'gwir ymholwr' sy'n ddarpar fyfyrwr a'ch bod yn dymuno cael eich hysbysu am wybodaeth berthnasol.</p> <p>Y Sail Gyfreithiol yn ôl diffiniad y GDPR Mae Gwrthrych y Data wedi cydsynio i'r prosesu.</p>
<p>Ceisiadau a Gyflwynir i Swyddfa Lety'r Brifysgol.</p>	<p>Cyfiawnhad Drwy ddarparu eich manylion cyswllt wrth gyflwyno cais am lety, byddwn yn nodi eich bod chi'n rhiant/gwarcheidwad/athro/ymgyngorydd myfyrwr y dyfodol yn ystod y cyfnod pan fydd yn 'wir ymgeisydd'</p> <p>Y Sail Gyfreithiol yn ôl diffiniad y GDPR Mae Gwrthrych y Data wedi cydsynio i'r prosesu.</p>

O ganlyniad i'ch cais, byddwn hefyd yn defnyddio:

<p>Cyfathrebu â chi: Gan ddibynnu ar yr wybodaeth rydych chi wedi'i rhoi, gallwn gyfathrebu â chi drwy'r post, dros y ffôn (a ffôn symudol) neu'n electronig, drwy e-bost yn bennaf.</p> <p>Os byddwch yn derbyn unrhyw negeseuon dieisiau, gallwch ddewis peidio â derbyn ein negeseuon e-bost unrhyw adeg.</p> <p>Gallwn hefyd ddefnyddio swyddogaethau busnes y cyfryngau cymdeithasol i rannu gwybodaeth berthnasol a fydd yn eich tywys drwy'r broses. <i>Sylwer: dylai defnyddwyr y cyfryngau cymdeithasol allu addasu eu dewisiadau yng ngosodiadau pob platform.</i></p> <p>Gallwch hefyd gysylltu â ni'n uniongyrchol os hoffech ddiweddarau'ch dewisiadau.</p>	<p>Cyfiawnhad Ar gyfer cyfathrebu angenrheidiol mewn perthynas â'ch statws fel rhiant/gwarcheidwad/athro/ymgyngorydd myfyriwr y dyfodol:</p> <p>Y Sail Gyfreithiol yn ôl diffiniad y GDPR Mae Gwrthrych y Data wedi cydsynio i'r prosesu.</p>
<p>Digwyddiadau ychwanegol rydym yn eu cynnig, megis Diwrnodau Agored, y Gwasanaeth Cwrdd a Chyfarch, cynadleddau Myfyrywr/Athrawon etc.</p>	<p>Cyfiawnhad Bydd yr holl wasanaethau ychwanegol sy'n cael eu cynnig gennym ni yn cynnwys dull cofrestru lle gofynnir am gydsyniad.</p> <p>Y Sail Gyfreithiol yn ôl diffiniad y GDPR Mae Gwrthrych y Data wedi cydsynio i'r prosesu.</p>
<p>Dadansoddi a Phroffilio</p>	<p>Cyfiawnhad Mae'n bwysig ein bod yn gallu defnyddio data at ddibenion ymchwil farchnata i lywio ein gweithgarwch marchnata yn y dyfodol a chynnal ein gallu i gystadlu yn y farchnad. Fel arfer, defnyddir data dienw i nodi/ddadansoddi tueddiadau etc. Fodd bynnag, gellir defnyddio data personol hefyd.</p> <p>Y Sail Gyfreithiol yn ôl diffiniad y GDPR Mae'r prosesu'n angenrheidiol at ddibenion Buddiannau Dilys y rheolydd neu drydydd parti, ac eithrio lle mae buddiannau neu hawliau a rhyddidau sylfaenol gwrthrych y data yn trechu buddiannau o'r fath.</p> <p>Dyma ein buddiannau dilys penodol: Mae'n bwysig i'r Brifysgol allu defnyddio data at ddibenion ymchwil farchnata i lywio ei gweithgarwch marchnata yn y dyfodol a chynnal ei gallu i gystadlu yn y farchnad.</p>

Profi, Olrhain a Diogelu Covid-19	<p>Cyfiawnhad</p> <p>Sicrhau bod y Brifysgol, ei phobl a'i chyfleusterau'n ddiogel. Efallai y byddwn ni'n rhannu gwybodaeth gyswllt ag Iechyd Cyhoeddus Cymru, os bydd yn rhaid gwneud hynny am resymau profi, olrhain a diogelu COVID.</p> <p>Y Sail Gyfreithiol yn ôl diffiniad y GDPR</p> <p>Mae prosesu'n ofynnol lle bod gofyniad cyfreithiol neu statudol neu os oes rhaid prosesu er budd y cyhoedd.</p>
-----------------------------------	---

Y sail gyfreithiol rydym yn dibynnu arni, yn ôl diffiniad y GDPR, yw cyflawni contract y dyfodol lle rydych chi wedi'ch adnabod fel 'gwir ymholwr' a/neu 'wir ymgeisydd'.

Diffiniadau:-

'Gwir Ymholwr'	<p>mae'r ymgeisydd yn 'wir ymholwr' dim ond yn ystod y flwyddyn mae wedi gwneud ymholiad ynddi; os nad yw wedi cyflwyno cais erbyn diwedd cyfnod cofrestru'r flwyddyn academaidd honno, nid yw'n 'wir ymholwr' mwyach a chaiff ei wahodd i ddewis derbyn gohebiaeth bellach, h.y. os yw ymgeisydd wedi gwneud ymholiad ar gyfer blwyddyn academaidd 18/19, os nad yw wedi cyflwyno cais erbyn 15 Hydref 2018, caiff gwahoddiad i optio i mewn ei anfon. Os bydd yn penderfynu peidio ag optio i mewn, caiff ei gofnod ei newid i 'beidio â chysylltu'. Fodd bynnag, caiff y data personol ei storio yn y CRM tan ddiwedd y cyfnod cadw neu tan fod cyfarwyddiadau i'w ddileu yn cael eu derbyn</p>
'Gwir Ymgeisydd'	<p>Mae ymgeisydd yn 'wir ymgeisydd' dim ond yn ystod y flwyddyn mae wedi gwneud cais ynddi, os nad yw wedi cofrestru erbyn diwedd cyfnod cofrestru'r flwyddyn academaidd benodol honno, ni yw'n 'wir ymgeisydd' mwyaf a chaiff ei wahodd i optio i mewn i dderbyn gohebiaeth bellach, h.y. os yw ymgeisydd wedi gwneud cais ar gyfer blwyddyn academaidd 18/19, os nad yw wedi cyflwyno cais erbyn 15 Hydref 2018, caiff gwahoddiad i optio i mewn ei anfon. Os bydd yn penderfynu peidio ag optio i mewn, caiff ei gofnod ei newid i 'beidio â chysylltu'. Fodd bynnag, caiff y data personol ei storio yn y CRM tan ddiwedd y cyfnod cadw neu tan fod cyfarwyddiadau i'w ddileu yn cael eu derbyn.</p>

Pa wybodaeth rydym yn ei derbyn gan drydydd partion?

Ni fyddwn yn derbyn gwybodaeth gan drydydd partion.

Pwy sy'n derbyn eich gwybodaeth?

Oni bai fod gofyniad cyfreithiol i'w wneud, ni fydd eich data yn cael ei rannu â sefydliad arall y tu allan i'r Brifysgol. Fodd bynnag, lle bo angen, bydd gwybodaeth bersonol yn cael ei rhannu er mwyn cefnogi a darparu gwasanaeth y broses recriwtio a derbyn.

Mae'r adran hon yn nodi'r prif sefydliadau a'r amgylchiadau mwyaf cyffredin lle'r ydym yn datgelu gwybodaeth am fyfyrwr. Lle bo hyn yn cynnwys trosglwyddo rhyngwladol, ni chaiff gwybodaeth ei throsglwyddo, oni bai fod y broses yn bodloni'r amodau a bennwyd gan deddfwriaeth Diogelu Data a deddfwriaeth y Rheoliad Cyffredinol ar Ddiogelu Data (GDPR). Dyma rai enghreifftiau o ffynonellau ond nid yw'r rhestr yn gynhwysfawr:

Data y gallwn ei rannu	Derbynwyr
Ymholiadau (neu fynegiannau o ddi-ddordeb)	Gallwn rannu eich ymholiad â choleg mewnol yn y Brifysgol er mwyn i'r coleg allu ymateb i'ch ymholiad.
Manylion Personol	Byddwn ni'n rhannu eich gwybodaeth â gwasanaeth Profi, Olrhain a Diogelu GIG Cymru i gefnogi'r broses olrhain cysylltiadau pan fydd angen.

Bydd unrhyw ddatgeliad arall a wneir gan y Brifysgol yn unol â Deddfwriaeth Diogelu Data a'r GDPR, ac ystyrir eich buddiannau.

Trosglwyddo'ch Gwybodaeth yn Rhyngwladol

Ni fyddwn yn trosglwyddo unrhyw ran o'ch data personol y tu allan i'r UE fel arfer. Caiff unrhyw wybodaeth a drosglwyddir ei throsglwyddo yn unol â'r GDPR.

Am ba gyfnod y caiff eich gwybodaeth ei chadw?

Byddwn yn cadw eich gwybodaeth bersonol yn unol â'n rhestr o gyfnodau cadw. Cliciwch [yma](#) am ragor o fanylion.

Diogelwch eich gwybodaeth

Mae deddfwriaeth Diogelu Data yn gosod dyletswydd arnom i gadw eich gwybodaeth yn ddiogel. Golyga hyn y caiff eich cyfrinachedd ei barchu, ac y cymerir yr holl gamau priodol i atal mynediad a datgeliad anawdurdodedig. Ni chaiff neb fynediad i'ch gwybodaeth, ac eithrio'r aelodau staff hynny y mae angen iddynt gyrchu rhannau perthnasol o'ch gwybodaeth, neu'ch holl wybodaeth. Bydd gwybodaeth electronig amdanoch yn cael ei diogelu trwy gyfrineiriau a chyfyngiadau diogelwch eraill, a chedwir ffeiliau papur mewn ardaloedd diogel lle rheolir mynediad.

Gellir ymgymryd â rhai elfennau o brosesu ar ran y Brifysgol gan sefydliad a gontractiwyd ar gyfer y diben hwnnw. Bydd sefydliadau sy'n prosesu data personol ar ran y Brifysgol dan rwymedigaeth drwy gontract i brosesu data personol yn unol â deddfwriaeth Diogelu Data.

Pa hawliau sydd gennych?

Mae gennych hawl i gael mynediad at eich gwybodaeth bersonol, i wrthwynebu i'ch gwybodaeth bersonol gael ei phrosesu, i gywiro, dileu a chyfyngu ar fynediad at eich gwybodaeth bersonol a'i throsglwyddo. Os ydych chi wedi rhoi cydsyniad i Brifysgol Abertawe brosesu eich data, mae gennych hefyd yr hawl i dynnu'r cydsyniad hwnnw'n ôl. Ewch i [dudalennau gwe'r Brifysgol am Ddiogelu Data](#) i gael rhagor o wybodaeth am eich hawliau.

Dylid cyflwyno ceisiadau neu wrthwynebiadau'n ysgrifenedig i Swyddog Diogelu Data'r Brifysgol:-

Mrs Bev Buckley

Swyddog Cydymffurfiaeth y Brifysgol (Rhyddid Gwybodaeth/Diogelu Data)

Swyddfa'r Is-ganghellor
Prifysgol Abertawe
Parc Singleton
Abertawe
SA2 8PP
E-bost: dataprotection@abertawe.ac.uk

Diweddaru eich dewisiadau

Byddwch yn gallu diweddaru eich dewisiadau unrhyw bryd ar-lein, gan ddefnyddio'r cyfeiriad e-bost a ddefnyddiwyd gennych yn ystod y broses recriwtio a derbyn. Mae'r ffurflen dewisiadau ar gael [yma](#).

Canlyniadau gwrthod darparu'r data pan fydd y cais yn seiliedig ar ofyniad statudol neu o ran contract

Yn anffodus, ni fydd y Brifysgol yn gallu prosesu eich cais os ydych yn gwrthod darparu'r wybodaeth angenrheidiol pan fo'r cais yn seiliedig ar gontract neu ofyniad statudol.

Sut i gwyno

Os ydych yn anfodlon ar y ffordd mae'ch gwybodaeth bersonol wedi cael ei phrosesu, i ddechrau, gallwch gysylltu â Swyddog Diogelu Data'r Brifysgol, gan ddefnyddio'r manylion cyswllt uchod.

Os ydych dal yn anfodlon wedi hynny, mae gennych yr hawl i gysylltu'n uniongyrchol â'r Comisiynydd Gwybodaeth i gael penderfyniad. Gallwch gysylltu â'r Comisiynydd Gwybodaeth yn:

-

Swyddfa'r Comisiynydd Gwybodaeth,
Wycliffe House,
Water Lane,
Wilmslow,
Swydd Gaer,
SK9 5AF
www.ico.org.uk

Eich Cyfrifoldebau

Eich cyfrifoldeb chi yw sicrhau bod eich manylion personol yn gyfredol. Disgwylir i chi drin y fath wybodaeth mewn modd cyfrifol a phroffesiynol, ac mae gofyniad cyfreithiol arnoch i wneud hyn o dan ddarpariaethau deddfwriaeth Diogelu Data, yn ogystal ag unrhyw foesege broffesiynol neu godau ymddygiad eraill. Os ydych chi'n dod yn ymwybodol o wybodaeth bersonol yn gyfrinachol, disgwylir i chi beidio â dweud wrth neb heb gydsyniad yr unigolyn, oni bai bod amgylchiadau eithriadol. Hefyd, ni ddylech geisio mynediad at ddata personol am neb arall os nad oes gennych hawl i wneud hynny. Caiff camau eu hystyried mewn perthynas ag unrhyw berson sy'n torri Deddfwriaeth Diogelu Data neu ddyletswydd cyfrinachedd.

Mae gan y Brifysgol amrywiaeth o bolisiau a gweithdrefnau diogelu data, y gellir eu darllen [yma](#):

Adolygwyd a diweddarwyd: Chwefror 2022